

夔州府志

上部卷叁

±也 280.259

136.1

3





水利志

井渫寒泉大易象之川澮溝洫周禮記之二者皆水利之最重夔郡則井泉之利尤重以各屬城內皆高燥無泉民之用汲厥為艱哉自諸葛武侯造竹筧引水之法而城內之水利興間有效淘潭包堰之法而鄉遂之水利又興抑有無隄防之利而有鹽泉之利開縣雲陽大寧是也更有水不利于人人能利于水險灘救生船是也比類記之道在因民之所利而利之作水利志

夔州府

夔州府志

卷七

水利

奉節縣

附郭

城內水利原流

明許宗鑑泉池記夔城舊故無井居民悉汲飲於江接筒引水昉自漢武侯迄宋有權水錢王梅溪氏倡罷之其蹟今皆莫覈我朝前守張東坪公自侯家嶺引水至府治官資其利民江飲如故予乃別踪水源一自江家坪會馬蝗溪下流引以瓦筒其山溪不可瓦埋之地以木槽續之凡泉行所經為溪者十有一為嶺者十有二地以里計者如之一自翟家坪會馬蝗溪上流引以石





筓迤嶺而下尤爲徑直來自山後正北至城始與東坪公所引之水自西北來者異股合流源始浩大公私均給焉仍沿山置守戶有若干人夔城有池數口曰流潤曰化龍曰武功曰濼翠曰通濟曰注香曰利旻曰太平舊鑿以瀦匏水歲久湮塞如平地每春夏之交雨澤覃降水無委積夫思患預防爲政者事萬一城池有警有此水涓滴皆民命濬之不可獨後矧夔地燥剛山峭削多火形數池碁布星列亦可以制服剛頑而和變其氣爰命工皆深其濬化龍濼翠二池又繚以茨垣俾無垢

# 夔州府志

## 卷七

水利

二

水泓清可飲茲各識其池之深廣若干與諸泉並列於碑以俟後之同志者考焉

### 城內桂花井

國朝焦懋熙增脩桂花井水碓記郡城西北水井居民謂之大水井亦曰桂花井其由來古矣梅溪以前遠不可稽惟明太守東坪張公宗鑑許公其遺跡爲較著但張公自侯家嶺引水至府治其水猶小而許公則別踪水源一自江家坪會馬蝗溪下流引以至城一自翟家坪會馬蝗溪上流從正北引至城使公私得而均汲之據此



則桂花井亦宗鑑許公之遺澤也歷年既久其間修廢不知凡幾迨雍正十三年石礮傾圮清泉斷流太守崔公念民汲飲維艱捐俸增修兵民胥利賴焉今經一十二載復爲善後之計相其飲水之道或石或木或竹捐俸鳩工廢者增之缺者補之斷者續之滲者更之視故道而愈堅愈密維時兵民飲和而食德以記屬余余思事之興廢視乎其人夔舊無井悉飲汲於江耳不有創者其礮孰與爲興不有繼者其礮亦歸於廢則繼者之功不視創者爲尤甚哉夫公自涖夔十有餘載初終一

# 夔州府志

## 卷七

水利

三

致其憂民窮勤民事興民利除民害者詳見於甘棠記序中固不僅井泉一事已也然卽此一事已與東坪張公宗鑑許公並垂不朽矣夔郡太守崔公諱邑俊字碩秀山西大同府陽高縣人也

杜公井

國朝譚譚杜公井記公陝西寧朔人也任永寧軍糧司馬志存利濟政有惠聲乾隆五年秋攝太守篆於夔見夔之戶口繁熙井弗能給思所以濟之訪治西數里外舊有蒙泉可以引注城中慨捐俸廉之半鑿石導淤甃井於



利民池畔士民便之昔杜預鎮襄陽修陂塘以灌民田民賴其利謳歌弗諼今夔之人士食公之德而不能忘所自有也因僉稱爲杜公井勒石以誌不忘焉

### 利民池

國朝汪志敏重修古利民池記古利民池嘉靖太守張公諱廷柏開濬瀦水以鎮山形峭削和燮夔地剛燥之氣消火患利濟民生者也歲久淤塞遂成平地不復有池余佐治永安十有餘載奉使公出之日居多參贊郡事之時甚少每見祝融示警兵役搶救雖有官民飲水數椀

## 夔州府志

### 卷七

水利

四

涓涓細流迅速急需每不足以遏其炎炎之勢取汲於江道遠莫濟均不能隨水撲滅延燒廬舍慘目傷心欲追張公遺蹟又苦俸廉涼薄力獨難勝爰命奉節縣尉屬利民池附近所居紳士者民有願共勦斯舉者咸聽樂輸不數日而雲集響應工竣池成因勒石池畔誌其所以脩築疏濬並諸人與事之力皆得鐫列姓名俾後之君子臨池覩石知此池乃前張公遺愛紳士耆民共勦厥舉者直敘其事以爲之記

### 石欄



國朝汪志敏增脩石礮引水記夔城地處山麓萬家無井民  
汲於江明嘉靖年間張公諱廷柏許公諱宗鑑者念民  
汲飲維艱又相度陰陽慮有火患乃興脩石規分引侯  
家嶺江家坪馬蝗谿翟家坪各水源注之各池爲思患  
預防計官民飲用均給焉兵燹後泉斷石竭盡皆淤沒  
至康熙戊戌太守諱期恒胡公重脩江家坪馬蝗谿翟  
家坪昔年許公導泉以規凡三道一至夔協右營一至  
府廳兩衙一至郡城西北以供民用嗣歷任俱加脩理  
因得不廢恭逢

夔州府志

卷七

水利

五

盛世生齒日繁一池之水不足以濟萬民之渴庚申秋仲  
有永寧司馬杜公諱樞署篆涪郡下車之始眺望山川  
形勢曰莫非此地多有火災何山形尖峭之如火字也  
山形似火當引水以制之余深佩前賢之不謬與今人  
之見畧同公於是捐養廉率同邑令奉節縣尉鳩工庀  
材疏三岔溪之上源侯家嶺明太守張公引泉故道增  
添石規接流架竹聚磚石另造一井在西門左側民之  
飲於井者欣然色喜名之曰杜公井惟是爾民勿驚一  
時之喜尚思永久保守庶可爲億萬斯年之利余聞曹



力薄不敢徒負虛名泯人實行謹序其事以誌不朽云  
爾

### 便民規井制產

國朝杜樞便民規井制產記乾隆庚申之秋余自叙永攝夔  
篆下車後見城中居民皆趨汲於江路甚遠凡烹飲澣  
濯之用富者買諸檐夫貧者及孤寡老疾者買食與負  
汲均難於是遍詢父老知西山固有源泉明太守張公  
廷柏許公宗鑑曾引注入城以便民今久廢莫能興修  
余聞其言切而盡爰相度引流由三道堰至開元寺進

## 夔州府志

### 卷七

水利

六

城凡三里許捐養廉一百九十餘金購運竹石作規泉  
達於井工竣而民稱便余卸事回任閱八載戊辰秋又  
攝夔篆驗視規井井無恙而規漸殘矣於是復詢父老  
曰竹石需補也看守需人也其爲之計久長乎隨捐養  
廉一百金置買奉邑龍姓啞口石田地收租十石歲爲  
常以資費用并請人交代焉惟是水利之興實張許二  
公創之余因焉而已後之君子經理責成亦因所利而  
利焉則井與產可便民弗替矣是余之厚望也夫是余  
之厚望也夫



李公井

明書山人李公井記自益伯作井民咸利之十室之邑  
猶然何論都會吾夔百雉憑高中可萬室舊乏井飲蜀  
漢諸葛武侯嘗接竹引水宋王龜齡名其爲義厥後邑  
不改而井湮明興正嘉以來太守壺關楊公蒲坂張公  
溫陵許公南海郭公或掘諸土或規諸山注匪一處成  
匪一時惜原淺而多岐歲戊戌關內李公以名御史來  
守是邦朞月而播賊肆逆川東戒嚴蒿目嘆曰闔城生  
靈待命帶水脫又有譙道福困白帝故事寧臨渴而掘

夔州府志

卷七

水利

七

乎詢謀三老僉云前之鑿者數矣卒渺及泉懼將罔功  
公不謂然齋沐而禱於神相度地宜莫如東門內諏日  
興工穿其左方數尺泉果湧出源源而甘童叟堵觀詫  
爲竒異相與伐石表曰李公井志澤也於是司理成侯  
抵書山人請紀之山人曰井養不窮君子民胞爲度惠  
養元元豈其博濟顧弗井若公正已率屬省頌蠲刑一  
政擾如負恫瘝一民病如傷赤子惠懷綏集卓著成勞  
始出緒餘澄井精誠之極地靈將協應焉宜共扣之如  
響歟惟願後之嗣公者更倣其意而作新之則夔人永



久並受其福擊壤歌棠何滙之有公號文谷洋縣人其舉也成侯贊其畫而瞿侯何侯咸觀其成得併書云

### 重浚李公井

國朝杜樞重浚李公井記夔郡風俗淳龐素稱易治惟閭閻無井涓滴皆取汲於江民非水火不生活司牧於夔者其殆以水利爲先務歟稽自漢諸葛武侯接竹引流以濟民飲誠創舉也宋太守王梅溪因之詩曰官費接筒竹民蠲沽水錢惠政至今傳焉迨有明楊張許郭諸太守亦皆相繼作規俾諸葛梅溪舊澤弗衰是前人莫不

## 夔州府志

### 卷七

水利

八

急急於水利有由來已余非才兩攝夔篆念治民之道養先於教若在夔而言養必以水利爲急前於乾隆五年冬彷彿接竹之遺規作規於西門左側矣竊思夔地據險扼塞爲全蜀咽喉况百雉萬家日用所需豈自古以來竟無益伯作井計乎赴江而汲勞矣臨渴而掘晚矣余蓋未之信也爰訪諸郡紳鄧璋曰萬歷年間李公時孳守夔曾於小東門化龍橋南築井一口水甚美今人而淤沒莫知其鄉隨遍詢該地老人約畧尋其故址命匠掘之果得井爲泥石所塞又命匠浚之而源泉濬發



混混不捨一時童叟莫不欣然稱慶焉余曰此李公遺澤也易有之木上有水井君子以勞民勸相書有之德惟善政政在養民其李公之謂歟余何功之有今而後頌接竹引流者自諸葛武侯始頌掘井便民者自李太守始

重修利民池潤澤池大水井杜公井太平池

道光二年奉節令萬承蔭清查泉池今多不存存者利民池潤澤池大水井杜公井也淺者深之污者淘之坎崩砌以石欄杆有管門者以時啟閉知府恩成重修石

# 夔州府志

## 卷七

水利

九

欄竹筧以清水道官民資之又向時城內常有火災而無水救恩守萬令議各衙門各街坊舖戶會館廟宇皆修太平池及救火器具數年來竟無火患偶有之即起即滅池之力也

新脩溥利井記

水之爲利溥矣哉然仰觀諸天雨澤之水愆於候俯察諸地江河之水界於偏惟井水隨時可挹隨地可逢故曰井養而不窮也獨夔城不然考舊志城中有九井之名而無其實訪之故老求其地亦不可得前守周公介



之曾於化龍橋側鑿一井費數月工垂綆數十丈竟以  
不及泉而止後遂無敢問及此者予涖夔三年餘凡城  
內外有可振興者莫不及時舉之惟此一事耿耿予懷  
而未有愜也昨於政事暇因訪地方疾苦偶有告者曰  
水碓門側近有舊井一泓然未知其的處予聞之欣然  
試令人於平坦處隨掘之未敢期其有效也不三日掘  
一處深丈餘得陳木現一頭似前甃井者循木探之不  
數武而泉出再數武而泉混混然來矣欲更掘之或以  
土性疏故宜且止水亦輒滿力無可施一若示之以不

夔州府志

卷七

水利

十

可深鑿者異哉此井也向不知歷幾何年而廢今又不  
知歷幾何年而復出也於是士民競請曰此我公祖利  
民之心切故神默相之不然何以化龍橋數十丈而猶  
爲棄井今祇數丈餘而已沛然泉出也且其泉清冽異  
常任民取攜不竭其爲利之溥何如乎此千載盛事也  
不可以不記予因徇士民之請卽以溥利之言爲名焉  
夫利而曰溥當不一而足也豈予足以當此哉後之守  
此土者留心於井養之政並會夫改邑不改井之說尋  
故道復九井求用汲而並受其福其利之溥當更倍於



今日然則予之是舉也其亦後來花廳使之嚆矢矣乎  
道光六年丙戌孟冬月知府恩成謹作記以序其事  
公平泉在治北一百二十里

舊治縣北有泉自龍洞石罅中湧出自成坎窞溢向東  
流人小溪溉田百十餘畝昔時地僻人稀未分畛域後  
墾種者多溪之東西農人爭取不息乾隆十三年雷劈  
洞上石墜一方入于坎窞水遂分爲二道東西流鄉人  
乘其勢開渠作笕各引人田無復爭競因名曰公平泉  
桂壩泉在治北一百四十里

夔州府志

卷七

水利

七

舊志壩內水田甚多有泉自土地廟桂樹根下出源源  
不絕灌田七八十畝其桂樹大數十圍數百年物也是  
處地頗平曠產稻香美土人因樹以名其壩

朱家壩在治西二十里

壩內水田甚沃皆開河爲堰河水從公平壩後山流出  
至二十八梯以下乃灌朱家壩之田八百餘畝

草堂河紅堰詹家堰在治東三十里

白帝城之東有東灤水俗名草堂河河之上四十里有  
老龍洞源泉湧出四時不竭其上有天池壩羅家壩山



溪河水注之其流益大五里至白水池十五里至鳳河  
又十里至黃連樹又二十里至草堂河灌兩岸水田約  
出穀二萬餘石障水之堰東名紅堰西名魯家堰皆在  
黃連樹之下東屯之上乃公孫述昔日屯田處也草堂  
河因工部草堂得名

青蓮河大堰在治東三十里

青蓮河上流有二道北一道名石馬河從桂竹壩來南  
一道名竹坪溪從梨子山來羊耳山居中山水分注於  
竹坪溪石馬河而竹坪溪又有九眼龍洞源泉不竭由

夔州府志

卷七

水利

十一

溪流入青蓮河農民於河岸爲防蓄水以灌青蓮舖一  
帶之田出穀一千七百餘石謂之大堰青蓮河因李青  
蓮得名

分水洞在治南新村壩距城一百二十里

壩南有長嶺山崗崗後有洞出泉初灌新村壩之田中  
高壩人爭之構訟多年忽雷擊石崩分爲二一股流入  
新村壩一股流入甲高壩各灌田數百畝至今利之人  
遂呼爲分水洞并名其寺爲分水寺

龍潭河在新村壩距城九十里



河有泉水下向上流灌下壩之田百餘畝河內出洋魚細鱗長身色白味甚美乃江中所無也

龍孔子在治南二百里

縣南鄉有地名土牆壩上壩有一龍孔內出水晨則清午則濁晴則清雨則濁長流不竭凡土牆壩上下壩之田約出穀八百餘石皆龍孔之水灌溉俗名爲龍孔子水出洋魚

興安壩龍洞在治南一百五十里

縣南有地名關口下有龍洞出水時濁時清其源不竭

## 夔州府志

### 卷七

水利

十三

居民就地勢爲堰灌田數百畝每歲以猪羊祭之

圓壩子離城三百六十里

開齊峩山水道碑記蓋聞莫爲之先雖美弗彰莫爲之後雖盛弗傳凡事皆然而與民興利除害之舉爲尤切查奉節南岸齊峩山之地四山環繞萬阜鱗次雖爲巖谷之區而其中實有平原百數十里開墾阡陌盡作良田祇緣山水滙積舊有地穴三支洩水不及致傷禾黍昔人謀畫其間曾經設法疏通於是田無害而民有秋稅之所出常足以供奉邑什之一二善哉此誠富國裕



民之良圖也迨歷年久遠土壤漸崩三穴淤塞水無出路每值夏雨驟侵秋霖洊至百數十里皆成巨浸良田盡在水中寒冬消涸則但餘沙礫黎民懸耜國課無征昔爲膏腴今爲澤國積漸使然非一朝一夕之故矣嘉慶二年余權篆奉節因勦辦逆匪往來經過此間詳察情形問耆老而告以故卽慨然有修理之志緣值軍書旁午未遑卒謀其事繼由忠州牧厯雅州守事不相屬心仍係念之至八年調守此郡九年二月遂傳集耆民申諭條約捐廉俸以疏其故址凡田淹之家計畝分之

夔州府志

卷七

水利

十四

廣狹出役夫之多寡其餘一切經費絲毫無取乎民斯時統六七百夫之衆無不共相勸勉勤於趨事悉期數月而告成迺因穴徑過深水石高凸不但旋挖旋塌抑且積水仍難消導至八月而半載工程寸效未獲萬民失色幾付之無可如何余慰之曰無憂也余更有以布置焉隨於九月鳩工舍其暗穴開厥明溝至十年正月間葺事蓋自圓壩子以至梅子水沿山麓一帶均經開鑿高濶五六丈則水勢無碍平直四百餘丈則衆流可通觀其滔滔而下積水全消數十年之澤國仍可復爲



膏壤矣余心慰甚余心幸甚羣黎歡慶感激皆請余建碑以誌德然余敢以爲德哉不過因民之所利而利之耳第利之所在弊卽伏焉今日所成未必保百年之無虞所望吾民隨時合力修理弗任廢弛庶事垂久遠謂不負余初心云是爲誌

欽加道銜知四川夔州府事加五級紀錄十次周景福記委辦河工候補巡檢邵釗書

嘉慶十年歲次乙丑仲春月吉日立

查奉節圓壩子地方在大江以南萬山之中距城三百

夔州府志

卷七

水利

十五

六十里西有齊峩山延袤百十餘里高出雲表儼若障屏東南北三面山形大小不一灣環曲折溝內均係水田高阜可耕內有茨竹坎苦草埆兩處地勢最爲低窪不能耕作者已數十餘年矣查齊峩山之下原有生成漩水洞大小三眼每遇夏雨水皆由洞內伏流隨時消洩因乾隆五十三年齊峩山土石崩塌將漩洞淤塞水小猶可滲漏水大則五六十里之內滙爲巨浸矣嘉慶八年前知府周景福開挖明河一道計長四百八十丈用銀一萬一千兩是年水勢稍爲疏通南坪一帶高阜



收得十分之三次年大雨仍復淤塞至十五年乾旱高田收得一二分嗣後連年大水新開河沙土淤積各糧戶束手無策查該處淹田約計九千餘畝地丁條糧銀七十八兩九錢一分每年可收倉石稻穀四萬餘石糧戶四百餘家莫不輟耕懸耒捕魚爲業情實可憫嘉慶十九年有奉節縣糧戶陳步陞楊大桂等呈懇大憲籌款續工開挖批飭夔州府委員履勘詳報隨據奉節縣知縣王如瑄大寧縣知縣李嘉祐察勘得該處水道實難開挖不獨所費不貲抑恐不能成功惟小民田被水

夔州府志

卷七

水利

十六

淹賦稅仍存只有將實在被淹之地丁銀七十八兩九錢一分歸於奉節縣捐廉代納卽以本年爲始以紓民力等情具詳經夔州府知府富明批據詳已悉仰候據詳核轉惟被淹糧田額征銀七十八兩九錢一分如由該縣按年代解未免拮据今擬由本府衙門捐廉代納除二十三年分業經該令代爲解納外卽於二十四年爲始每年按上下忙兩屆將前項糧銀由本府給發該縣彙領統入地丁項下批解歸款由府轉詳各大憲批准有案



巫山縣

利澤泉

明王鳴鳳利澤泉記嘗謂利人澤物士君子通願也然制於勢而不得爲限於材而弗能爲間有勢旣得爲而材不足以濟之材力或可爲而存之弗公處之不當非惟事弗克集適足以招尤斂怨名且隳而民告病矣甚矣材之難也巫爲夔之屬邑當三峽下流邑小政繁前令此者恒難其人嘉靖乙未冬存軒史公以雄才出道庠正出宰吾巫下車初乃勵乃精乃布乃勤掬民之膜

夔州府志

卷七

水利

十七

惟清惟靜民始不安之久而愛之逾久而服之不踰年百廢具舉政通人和其真有意於利人澤物者乎巫城外東五里許古有井名曰東泉滴汨泓澄可供飲食居民無遠近無老少肩擔臂負率多取給於此而城中麓地高亢土峭而剛獨缺於泉井止利於郊民而居闐闐者不便越戍戍春乃合吏屬耆衆暨鄉士大夫而謂之曰水火切於民生昏夜求之無弗與者以其至足也今以一邑之民而有內外之隔平居無事若非所急也萬一事出不測城不可出人寧不張口待斃乎余爾牧也



忍視爾斃盍思所以圖之僉曰北郊舊有池泉自地湧  
僻在一隅民惟以爲農圃澆溉之用但距城頗遠而又  
艱於險窪不同先是嘉靖癸未楸林王公嘗欲引注城  
中規畫初定會以陞任未竟厥成是後衡陽歐公心齋  
方公亦欲繼成又以他阻弗果侯念及此生民之幸利  
莫大矣存軒曰人有異世而相感者楸林諸公蓋先得  
我心之所同然者也遂卜日擇地張筵製蔬遍諭有衆  
而致政二尹赤沙岳喬曰經營出於民力於義則弗堪  
創建舉於公家於事則難久乃出身貲金以贊其能存

# 夔州府志

## 卷七

水利

十六

軒卽捐俸金若干爲衆之先而學博桂泉吳景山湖周  
邦傑幕侯閻齋楊顯上舍斗牛各捐金有差旣得學旁  
隙地周圍可丈許寬厥潤澤道里皆均誠可鑿爲井者  
卽日畚鍤齊興度地相勢自原徂委里以丈計丈以百  
計掘爲深溝甃以堅石而源頭則又下墁以石上築以  
土泯迹於無形順水之性滔滔汨汨誠所謂以沮洳斥  
鹵化爲城邑而得美泉者合城之民隨取隨足而郡人  
爭瀝稚子尋源者亦庶幾可免矣寧非一邑無窮之大  
利百世不磨之大功乎經始於丁酉季夏七日訖功於



戊戌季夏七日凡合用之竹木瓦石及匠作之廩餼工費大半皆侯處之收支有人役使有法日勸旬勞民不告病而事皆就緒蓋其心之公故其事之善才之大故其用之宏邑人相與語曰井議舊矣更數今不決而卒成於我侯焉有惠而不報者乎於是不謀而同欲憲於石以屬予且以名請因扁之曰利澤蓋取語云因民之所利而利惠而不費之謂嘗稽易大象澤無水則曰困澤有水則曰節夫澤水之有無其卦則爲困爲節猶井之費與其水則爲遠爲近今井之轉遠爲近猶卦之反

夔州府志

卷七

水利

十九

困爲節旣變易以盡利復推行以爲通乃因天之澤爲地之澤以地之澤爲民之澤矣可謂體易以利民者矣夫水利裨荒政者也占之爲國者獨重於此故有障大澤勤其官受封者矣今之舉無軼代論世哉由是而入秉化鈞以澤天下則惠利所及其源深其流長鴻遠遠到有涯之乎侯起甲科大懋厥官可紀者多矣而邑人獨不見於此何也蓋善爲治者人知其善而已至其所以善人莫得而知也井之興作有迹其效在今此邑人之所欲書也遂爲之書



西井

明譚啟重修西井記縣治乾隅有岡阜挺秀峻崇泉出於下原脈混混四時不竭清甘可鑑絲髮足濟饑渴以釋鬱懷誠夔東一方之盛澤生民取用特爲生活者也且蜀之郡邑多吸江河民艱於取唯巫有此山下之泉旋還通邑上下資濡無弗足者派分遠而東注鄆郭者名曰東井派分遠而西注縣內者名曰西井故流有東西之分靜深時出實統於一源自聖王開疆設都以來巫爲名郡建置茲邑實因此水以爲上下利需也民生

夔州府志

卷七

水利

二十

其間艷麗柔純得非井脈濡濯之所鍾歟井居久就頽且汙瀦填沮洳泉流混淆民多就東井甚弗便焉及皇上御極之禩賢侯出宰我邑軫念民隱以井之於邑爲尤不可改也東井告完次及西井顧西視東厥功尤大侯躬履險阻三臨發源之所遡流審視廢址俱存經始於隆慶五年七月吉日乃捐俸托士夫琢齋黃佩董其工役司其出納遂順故道修砌引流於城隍祠之右然趨運磚石動以萬計期在永逸雖供費繁劇亦所不恤揆二井之緩急而先後舉之井井往來以易道據恒理



侯其知所急哉又建龍神祠於井泉之上建忠烈祠於泉西之麓無非爲民禦災患而祈福澤也迄今井績就完邑人金漁涯向萬書等感侯恩於民不但修井利民一事且至於江南橫賊黃何四等久爲南土巨患今悉就擒勦南土之民皆安堵以就生業他如學校賦役政關教養者皆次第補興侯之功豈小補哉欲勒侯之德勲於堅珉昭告成功以垂永久俾一邑之民吸淵泉當思饑渴之濟有自矣侯之淵淵宏澤及於蒼生殆將與井泉並流於世而同芳無窮也所謂有功德於民自有

夔州府志

卷七

水利

三

不容泯者僅筆序始末以備繼作者之考葉侯名文炳號乾菴楚襄南漳人也因敬書之主簿易廷昆教諭阮宗孔訓導楊進之卜馬僑典史周宗恭黃仕龍於隆慶六年六月同立

明楊世祿西井記邑西懸井來自北山盈科經城支分遞接承流濡沫載仰勿慕真不啻崑崙之九檻而蟾蜍之口吐也坦焉負擔挹彼注茲以視鼯鼠之飲逸更倍以視素練之汲便亦更倍毋勞耿恭之拜而訝馬跑之流方茲洪崖象德不變而乃一倣於竊漑則淮南所嘆



爲田之塞也一做於飲畜則浮于所患隣牛之汚也一  
做於雜塌則管寧所苦置器之煩也顧安得有盤固峰  
之銅人常守而掩之乎邑父母曹侯慮周於九三之汲  
而欲永杜此三者弊迺以屬諸士父老之能利濟者僉  
加額於王明並福而畢力於鬱林司命溯其源莫之澁  
安其流莫之怒承覆以石而地之下靡有漁地之上靡  
有涯所履所視拾級不碍水由地中行而溫冽以時不  
改德也湧沛以常不改象也如車如鄧析之教不煩五

之夫之竟日一區雙桐潤魏明之柯不驚北斗君之伏

水利

# 夔州府志

## 卷七

三

欄一吠金墉之帶常環銀床之綆不嗇將上黨鞭懸俾  
有業用展臨沅試掘俾有家世壽穎運開後應運復開  
自是取而不損非比甘而先竭也龍登元雲作符伯益  
慶丁氏之得人亦鳥巢之無患矣斯稱溢城之計叶李  
尤之銘上流中流下流浴曹侯之明義也而鑿而飲又  
飲不亦豫章之獻原哉是舉也鳩工伐柯襄於不日則  
諸紳與義者能體曹侯德而永澤於湧泉者也并勒於  
左崇禎己巳秋立石

邑令朱斐然西井碑記書云德惟善政政在養民又曰



水火金木土穀惟修是養民者六府之內獨水居首誠  
慇生民日用所需而朝夕之不可缺者也巫邑雖濱大  
江而高踞山阜民之取汲悉資山泉舊兩井一在城外  
東郭曰東井一在城內陽臺之麓曰西井皆引泉鑿流  
以資民用西井泉出北城外里許牛蹄窩其源實出三  
十里外之鴉雀山甃石砌規暗流直達城中民皆賴焉  
近修築城垣四門啟閉有時而民間朝夕取汲莫便於  
西井第舊制水道淺浮或陡雨冲激牲畜踐踏是以屢  
修屢廢以致附近居民臨流澣濯污穢不堪余於監督

# 州府志

## 卷七

水利

三

城工之便往來日擊惻然感傷而思所謂井泥不食者  
其可令民式飲乎因集諸紳士父老謀議重修計必新  
鑿石規深浚溝渠務使污穢不致滲入庶幾源遠流清  
井潔用汲王明並受其福也乎然而工費約需五百餘  
金於是倡捐清俸並令紳耆張子美楊綠美等董其事  
士庶亦各量已資踴躍樂助是役也經始於戊子秋閏  
巳丑夏而功竣自是一勞永逸井井弗窮余不敢謂善  
政足以養民而深喜士民之能成余志也因序始末勒  
堅珉以誌重修歲月云爾邑令荔江朱斐然識與史王



思槐乾隆三十四年乙丑孟冬月

### 東井

史士銓東井碑記邑有井二一曰東井一曰西井西井則自北山而引入北門以便民汲東井則泉自石隙湧出在於東郭外仁泉寺傍源源不竭冬溫夏涼勝於西井雖夔東各處未有如此水之甘冽者每逢盛夏取汲尤多無如年久淤淺間有走洩於外者是以三股之水僅有二股不敷民用乾隆四十五年衆姓捐貲重修六年六月工完真所謂井養而不窮者也因刻石以誌之

## 夔州府志

### 卷七

水利

二四

候選儒學教諭史士銓譔邑人章珣東美氏書丹乾隆四十六年辛丑

石柱溪在治南一百一十里

巫山縣南岸五甲地名石柱溪有古堰一道堰頭開自柴園溪接東西兩大溝之水東自峽峰山猴子石紅巖灣直下中嘴梁子至柴園溪人堰西自峽峰山桃園子譚氏灣枸樹坪至柴園溪人堰堰水由油麻嘴過石灰坡南漑窰坡抱肚灣白楊漕之田東漑浸水灣西漑李家坡上漑廟灣下漑河坪之田又越窰坪西漑柏樹坪



右漑裡塆左漑青龍嘴前漑外塆之田盤旋二十餘里  
漑田一千五百餘畝其地山清水秀甚爲可觀

坪壠壩在治西南一百二十里

縣南岸五甲地名坪壠壩周圍三百餘里東西南北四  
面皆山四角山更高東名苞峰山南名四方山西名九  
臺山北名大山嶺其關水門戶名櫓盤山山形峭削地  
勢團結無消水明河水從暗洞流出不能迅速且易淤  
塞其初上中下三壩田地肥美共徵條糧銀三百餘兩  
有龍王壩白播磧二洞消水水不能聚自乾隆己亥年

夔州府志

卷七

水利

三五

後四山開墾山土鬆滑大雨時行土隨水下洞塞田淹  
下壩中壩滙爲巨浸人民流離轉徙數十年於茲道光  
四年十一月二十一日有糧戶張清才周清祥李孝慈  
文錫嘏聶隆章譚開科陳裔川等紛紛赴府縣呈請開  
修情詞懇切巫山縣知縣楊佩芝亦據情轉稟知府恩  
成親詣該處督率楊令查勘得下壩近山有沁水形迹  
知其下有暗洞當卽捐發銀兩雇募熟諳尋碕之人試  
挖果有水路遂稟 上憲擇日興工派撥該處糧民各  
出工力其飯食器具用費俱由府捐給先掘去近山浮



土廿餘丈始到平地又掘下五丈餘果得石洞如堂室  
然高一丈寬一丈五尺可容百數人深入百餘丈直下  
小洞深黑無底人不能進但用糶糠隨水冲入流出山  
後溪河直達大江六年夏月疊次水漲三壩均能暢消  
被淹之田全行耕種矣因急爲善後計採之輿論僉曰  
洞口低於平地五丈有餘現將亂石淤泥除淨已有下  
深六丈寬七丈長十八丈大槽一條可以停水沙泥不  
致壅塞但槽內四面須修砌五尺厚石保坎高出平地  
數尺分五臺層疊而上俱按五尺厚用條石一丁一掛

夔州府志

卷七

水利

三六

寔砌滿灌灰漿以防坍塌保坎之外開挖深一丈寬一  
丈五尺長五十六丈引河一道接連舊有土堤河身兩  
旁仍用石條砌築下鋪石底於土堤通水處建修石礮  
一座以便行旅礮洞內外各砌長一丈五尺高一丈八  
尺八字石牆二堵以禦水勢礮下樹列鐵樞以截渣滓  
庶善後可垂久遠此輿論也咨之同寮皆以爲然遂又  
捐添用費多覓人夫一一購料修理如式百姓咸踴躍  
歡呼以慶大功之成也是役也恩守親勘籌畫凡六次  
楊令幫辦不辭勞瘁自道光四年十一月興工至七年



四月工竣用銀一萬四千三百七十八兩零楊令捐銀二千兩其餘一萬二千餘兩知府恩成捐給使淹沒五十餘年之田全得耕種計豐年可收穀十萬石有零卽歉年亦可得七八萬石可活人十餘萬噫嘻何其幸耶書曰慎終於始但望糧戶隨時補修縣令隨時稽察俾此洞久而不湮則巫民長享安樂之福也哉

雲陽縣

**舊志**雲邑山勢連接民多依山爲田任谿流灌溉並無平疇大野水利無堤堰灌溉之功而有潤下作鹹之利

夔州府志

卷七

水利

二七

雲安場鹽井

原額鹽井一百三十三眼設竈三百五十七座煎鍋三百五十七口每竈徵正課銀二兩五錢共徵正課銀八百九十二兩五錢每竈徵羨餘銀一兩一錢共徵羨餘銀三百九十二兩七錢按竈產鹽供配雲陽開縣新寧達縣東鄉石碛梁山萬縣奉節巫山以及湖北之建始宣恩利川恩施鶴峯十五州縣水陸引鹽自嘉慶元年教匪滋擾採配未齊煎鍋二百三十三口竈課每年按

原額報納



萬縣

便民池

前知縣劉乃大建舊傳縣地來龍爲都歷山係火星城內外多被火災又冬月江流落下居民艱於汲水公捐金修規百十餘丈自舉人關引水由學宮泮池注宮墻外便民池取以水尅火之義兵民人等無不就池汲水故名便民池招募水夫一名巡視疏通每月給工食銀五錢後士民建劉公書院於池邊以誌不朽乾隆十一年知縣劉高培重修今廢

夔州府志

卷七

水利

二六

舊志萬邑水低田高不能灌溉雖有溝澮溪澗雨行則漲雨止則涸鄉民惟依山鑿塘以資灌溉

長灘鹽井十眼在治南市郭里距城七十餘里

石樞井楠木井康熙五年開石板井南溪井康熙五十四年開小井雍正二年開自明井雍正九年開八角井雍正十二年開七井俱照上井例每井徵課銀一十二兩四錢三分山門井乾隆八年開照中井例每年徵課銀六兩凉水井乾隆九年開新開井乾隆十一年開二井俱照下井例每井徵課銀四兩一錢四分三釐十井



共徵課銀一百零一兩二錢九分六釐又配陸引四百七十二張每張徵稅銀二錢七分二釐八毫引發各竈戶坐厰行銷以供治南市郭一里居民就近買食其治北大周三正二里例食雲陽縣雲安厰鹽配水陸引九百二十四張詳見鹽茶志

開縣

羅毓曾距治東五里安設筒車一架引積開江河堰水一道灌溉雞翅塆田畝

牟大迎距治東十里安設筒車一架引積開江河堰水

夔州府志

卷七

水利

二九

一道灌溉大洞壩田畝

游懷珍距治東二十里安設筒車一架引積開江河堰

水一道灌溉觀音壩田畝

向永清距治東三十里安設筒車一架引積清江河堰

水一道灌溉石礫壩田畝

芎永儒距治東三十里安設筒車一架引積清江河堰

水一道灌溉王家壩田畝

侯伯槐距治東十里安設筒車一架引積清江河堰水

一道灌溉長店坊田畝



徐尚禮距治東六十里安設筒車一架引積清江河堰水一道灌溉縣壩田畝

祁相仕距治東六十五里安設筒車一架引積清江河堰水一道灌溉縣壩田畝

向五元鄒壽山向開發距治東七十里安設筒車三架引積清江河堰水三道灌溉陳家壩田畝

吳必華距治東六里安設筒車一架引積開江河堰水一道灌溉滴水岩田畝

劉學勝陳元章距治東十里安設筒車二架引積開江

夔州府志

卷七

水利

三

河堰水二道灌溉馬堵壩田畝

魏正譜蘇開有徐善明距治東十五里安設筒車三架引積開江河堰水三道灌溉大洞中下壩田畝

王先惠距治南一百二十里鑿修石規引積墊江河堰水一道灌溉蓮花池田畝

羅于惠距治西四十里鑿修石規引積開江河堰水一道灌溉竹溪鋪田畝

魏國謨距治南八十里鑿修石規引積墊江河堰水一道灌溉魏家坪田畝



羅廷達距治西十里鑿修石規引積開江河堰水一道  
灌溉七里溪田畝

張裔乾距治北五里鑿修石規引積開江河堰水一道  
灌溉頭道河田畝

李文彬距治西十五里鑿修石規引積開江河堰水一  
道灌溉觀子口田畝

趙紹興距治南一百六十里鑿修石規引積墊江河堰  
水一道灌溉范家壩田畝

以上水利共二十四處在縣屬開清墊三江引灌溉田

夔州府志

卷七

水利

三

歷無額設

鹽井五眼

溫湯井乾隆二十六年開煎鍋十口裕泉井乾隆三十  
四年開煎鍋十八口膏谷井乾隆四十七年開煎鍋二  
十七口裕龍井嘉慶二十年開煎鍋九口溫塘井嘉慶  
二十三年開煎鍋十一口每鍋一口權課銀二兩五錢  
每課銀一兩徵羨餘銀一錢二分引稅在外詳見鹽茶

志

大寧縣



龍洞在治北三里

龍洞出泉水一股四時不涸嘉慶年間邪匪滋擾城被圍困前縣鍾令用笕竹自洞內引水入城以濟民飲今水較昔稍減然官民猶賴其利

趙家壩馬鎮壩雞頭壩田家壩羊喬壩在治西

五處俱用筒車在河汲水灌田趙家壩有筒車數十輛馬鎮壩三十餘輛雞頭壩一百餘輛田家壩羊喬壩各有數十輛

乾龍洞在治西一百里

夔州府志

卷七

水利

三三

兩洞上下錯列高十餘丈上洞內極寬敞可容數百人一孔自天而下明徹洞內自洞中小穴持火而入行二三里洞穴錯出不敢復進下洞狹而長水從洞出溉田數百畝嘉慶三四年間教匪滋擾土人避居洞內知縣鍾蓮於此設立糧臺下洞卽屯糧之所也

金鷲池在治西北一百六十里

池在深山中池旁舊有廟宇遺址尚在採藥者常見雙金鷲浮游水面捕之不可得每逢大旱之際遙見池邊雲起則雨降風生



龍王洞在治西一百五十五里

洞高三丈許洞內供奉龍神其下爲深潭泉流不竭洞口砌修石臺去水面丈餘攔板爲橋以奉香火神身字跡明嘉靖時所刻也迄今辰午申三時潮水湧出響聲若雷有頃方止或不當潮時以石投之其水亦湧起或曰內有水犀或曰有龍藏其中終莫得其實焉取水禱雨輒應

白馬泉在治西十五里

泉自半山關廟神座下湧出溉田千餘畝流人馬連溪

夔州府志

卷七

水利

三

土人相傳昔有白馬常夜出害禾稼因立廟鎮之馬不復出故名又說者以爲去泉六十里土連河有龍穴洞晝夜大水人洞洞旁俱高山峻嶺未見出路疑白馬泉卽出於此也

寶源山在治東北三十五里

舊名寶山府志作寶泉山氣象盤蔚大寧諸山惟此山獨雄峻上有牡丹芍藥蘭蕙山半有石穴出泉如瀑卽鹽泉也

白鹿鹽井在治北三十五里



井在寶源山麓相傳有袁氏逐鹿於此入洞乃知水鹹  
遂報官煮鹽井止一眼供數百竈戶之前未嘗稍減真  
神泉也漢初大寧統於巫山卽有鹽官後漢爲北井縣  
唐爲大昌縣宋爲大寧監鹽井之來久矣宋淳化中知  
大寧監雷說見人戶汲泉強弱相凌多抵於訟乃於穴  
旁建石池以漚之外設橫板三十竅承以修竹爲之筧  
筒其制妙矣今則橫板以鐵鑄之廣爲六十八眼每一  
鐵眼以竹筒引之每一竹筒供數竈之前由近而遠各  
於竹筒下穿小眼注水之鍋限時刻取之絲毫不能紊

# 夔州府志

## 卷七

水利

三四

也

大寧報竈三百三十六座竈戶三百三十六名每竈一  
座煎鍋三口共煎鍋一千零八口每鍋一口權課銀二  
兩共權課銀二千零一十六兩每鍋一口征羨餘銀二  
錢四分共征羨餘銀二百四十一兩九錢二分內扣鹽  
大使書巡飯食銀五十七兩二錢五分七釐實解銀一  
百八十四兩六錢六分三釐引稅在外詳見鹽茶志

奉節縣險灘救生船

青岩子灘在江上游離城六十五里該灘兩岸對生石



嘴上下俱有大沱每年自四月起至十月止江水泛漲  
冲激石嘴上下大沱瀆漩洶湧長至里許爲大水極險  
之灘設有救生船一隻水手六名

二沱灘在江上游離城三十五里該灘生有石樑一道  
下有石盤對岸有大石生堆每年自四月起至十月止  
江水泛漲水冲石樑上下發起瀆漩爲大水極險之灘  
設有救生船一隻水手六名

灑瀕石灘在江下游瞿唐峽口離城十里該灘大石在  
江心屹立左右漕口二道每年自四月起至十月止江

夔州府志

卷七

水利

三五

水泛漲水淹大石瀆漩洶湧波浪曲折船被水摧往往  
觸石而碎其深無底爲大水極險之灘設有救生船一  
隻水手六名

石板峽灘在江下游離城二十里該灘兩岸俱懸崖峭  
壁生有石板形如鱗甲對面上連臺子角下接倒吊和  
尚每年自四月起至十月止江水泛漲水淹半岩臺子  
角水勢直冲石板灘倒吊和尚滾起瀆漩浪大洶湧灘  
深無底船落瀆漩艖舵不應卽至覆溺爲大水極險之  
灘設有救生船一隻水手六名



小黑石灘在江下游離城二十五里該灘兩岸上下各有石樑一道約長里許每年自四月起至十月止江水泛漲水淹石樑二面急水直冲黑石連發瀆漩灘深無底船至瀆漩船舵不應傾刻覆溺爲大水極險之灘設有救生船一隻水手六名以上五灘於嘉慶八年報部列爲極險之灘至今並無更改

男女孔灘在江下游瞿唐峽內離城十五里該灘兩岸懸岩陡壁每年自四月起至十月止江水泛漲水過半岩連發瀆漩巨浪洶湧水深無底爲大水極險之灘設

夔州府志

卷七

水利

三六

有救生船一隻水手六名嘉慶八年報部仍列爲次險之灘至今並無更改

巫山縣險灘救生船

大黑石灘在江上游瞿唐峽內離城八十里該灘兩岸峭壁懸岩下有黑石灘每年自四月起至十月止江水泛漲水爲石鎖競趨中流浪高瀆湧長至里許爲大水極險之灘設有救生船一隻係原議石鼻子等七處險灘之內報部列爲一等險灘

均勻沱灘在江上游離城七十七里每年自五月起至



九月止水漲湍急浪高漩大江面較寬爲大水次險之灘係原議金盤磧等十八險灘之內報部列爲二等險灘

虎鬚子灘在江上游離城七十五里每年自五月起至九月止江水泛漲水勢雖屬湍急瀆漩尚不甚大江底稍淺石多水緩或浪急磧平駕駛得宜趨避尚易爲力爲大水次險之灘係原議螃螬磧等六十八灘之內報部列爲三等險灘

九墩子灘在江上游瞿唐峽內離城七十里係乾隆四

夔州府志

卷七

水利

三七

十年出蛟新增之灘水底有巉巖亂石每年自十月起至次年三月止水枯現石巨浪洶湧高至數尺長一里許爲小水次險之灘係原議螃螬磧等六十八灘之內報部列爲三等險灘

繫枋子灘在江上游離城六十里每年自五月起至九月止江水泛漲水勢雖甚洶湧漩小浪低尚可趨避爲大水次險之灘係原議螃螬磧六十八灘之內報部列爲三等險灘

龍寶灘在江上游離城五十里巨石嶙峋每年自五月



起至九月止江水泛漲瀆漩洶湧船落漩中艚舵不應  
卽至覆溺爲大水極險之灘設有救生船一隻係奉  
部議定在觀音背等十七險灘之內列爲一等險灘  
焦灘在江上游離城四十六里每年自十月起至次年  
四月止水枯石出瀆漩盤旋雖屬洶險水勢較緩尚可  
趨避爲小水次險之灘係原議螃蠏積等六十八灘之  
內報 部列爲三等險灘

三纜子灘在江上游離城三十里兩岸石嘴岔入江中  
每年自十月起至次年四月止水枯石出江面窄狹水

夔州府志

卷七

水利

三

勢湍急瀆漩洶湧若趨避得宜可保無虞爲小水次險  
之灘設有救生船一隻係原議螃蠏積等六十八灘之  
內報 部列爲三等險灘

下馬灘在江上游離城二十里每年自十月起至次年  
四月止水枯江中亂石縱橫瀆漩洶湧水勢稍緩尚易  
趨避爲小水次險之灘係原議螃蠏積等六十八灘之  
內報 部列爲三等險灘

筮望沱灘在江下游離城十里每年自五月起至九月  
止江深溜急瀆漩盤旋大至十餘丈實屬洶險最難趨



避爲大水極險之灘係原議石鼻子等七處險灘之內  
報部列爲一等險灘

跳石灘在江下游離城二十里上接筲望沱灘下連老  
鼠湊霸王鋤等灘在巫峽之內兩岸懸岩峭石每年冬  
令水枯峽流湍急波瀾洶湧夏月江水泛漲漩深瀆大  
巨浪奔騰爲大小水極險之灘設有救生船一隻係原  
議渠梁等十灘之內報部列爲一等險灘

老鼠湊灘在江下游離城二十三里在巫峽之內每年  
自五月起至九月止江水泛漲瀆漩交作灘勢高平爲

夔州府志

卷七

水利

三九

大水次險之灘係原議螃螬磧等六十八灘之內報  
部列爲三等險灘

霸王鋤灘在江下游離城三十里在巫峽之內每年自  
五月起至九月止瀆漩洶湧但不常發尚易趨避爲大  
水次險之灘係原議螃螬磧等六十八灘之內報部  
列爲三等險灘

庫套子灘在江下游離城四十里在巫峽之內峭石懸  
岩深不可測每年自四月起至九月止江水泛漲水流  
湍急瀆洶湧兼之厥風時發難於防備爲大水極險



之灘設有救生船一隻係原議鉅梁等十處險灘之內  
報部列爲一等險灘

大磨灘在江下游離城五十里在巫峽之中兩岸峭壁  
懸崖每年自五月起至九月止水大漩急波浪洶湧爲  
大水極險之灘係原議石鼻子七灘之內報部列爲  
一等險灘

小磨灘在江下游離城五十五里在大磨灘下每年自  
五月起至九月止灘勢與大磨灘相併不如彼灘之甚  
船隻尚屬易行爲大水次險之灘係原議螃蟻磧等六

夔州府志

卷七

水利

四

十八灘之內報部列爲三等險灘

黃金藏灘在江下游離城六十里在巫峽之中兩岸峭  
石壁立每年自五月起至九月止水勢洶湧浪大漩深  
船落漩中十無一出爲大水極險之灘設有救生船一  
隻係奉部議定觀音背等十七險灘之內列爲一等  
險灘

香爐灘在江下游離城七十里在巫峽之中地處窄狹  
兩岸峭壁懸岩每年自四月起至九月止江水泛漲峽  
流湍急石促漩瀆勢最洶湧爲大水極險之灘設有救



生船一隻係原議渠梁等十灘之內報部列爲一等險灘

以上大水小水第一等險灘八處第二等險灘一處第三等險灘九處共計一十八處

雲陽縣險灘救生船

馬嶺灘在縣西三十里小水極險大水次險設有救生船一隻水手六名

塔江灘在縣西十里大水次險小水平設有救生船一隻水手六名

夔州府志

卷七

水利

四

寶塔灘在縣東一里小水極險大水次險設有救生船一隻水手六名

東洋灘在廟磯灘上小水極險大水次險設有救生船一隻水手六名

廟磯灘在縣東四十五里小水最險大水次險行舟畏之設有救生船一隻水手六名

磁庄灘在東洋灘下小水極險大水次險設有救生船一隻水手六名

以上六處係報部險灘



萬縣險灘救生船

石鼓峽灘與忠州交界小水次險大水無險

雙魚子灘大水次險小水無險額設救生船一隻水手

六名

磨刀灘大水次險小水無險

黑虎磧又名大石盤灘小水次險大水無險

大湖塘灘大水極險小水次險額設救生船一隻水手

六名

窄小子灘小水次險大水無險額設救生船一隻水手

夔州府志

卷七

水利

四三

六名

席佛面灘大水次險小水無險額設救生船一隻水手

六名

明鏡灘大水次險小水無險

黃泥灘大水次險小水無險

高桅子灘小水次險大水無險

猴子石灘大水次險小水無險

徐那灘與雲陽縣交界小水次險大水無險

以上十二灘均經報部有案迄今並未改易